


ՋԱՎԵՆ ԽԱՌԱՏՅԱՆ

Ջավեն Վահանի Խառատյանը ծնվել է 1952 թ. Քումանյանի շրջանի Շեռղ գյուղում: 1970 թ. նա ընդունվում է Երևանի պետական



համալսարանի պատմության ֆակուլտետը, ուր հենց առաջին կուրսից, որպես մասնագիտություն, ընտրում է ազգագրությունը, որին էլ նվիրվում է մինչև կյանքի վերջին օրը: 1975 թ., բարձր առաջադիմությամբ ավարտելով համալսարանը և ստանալով պատմաբան-ազգագրագետի որակավորում, պատմության ֆակուլտետի գիտական խորհրդի որոշմամբ Ջ. Խառատյանը երաշխավորվում է ասպիրանտուրայում շարունակելու իր ուսումնառությունը:

1975—1976 թթ. նա աշխատում է Ստեփանավանի շրջանի Ուռուտ գյուղի միջնակարգ դպրոցում՝ որպես պատմության և հասարակագիտության ուսուցիչ, ապա մեկնում Մոսկվա, ուր երեք տարի սովորում է ԽՍՀՄ ԳԱ ազգագրության ինստիտուտում՝ որպես ասպիրանտ: 1981 թ. Մոսկվայում Ջ. Խառատյանը պաշտպանում է Թեկնածուական թեզ՝ «Կրոնական

վերապրուկների կառուցվածքը և շարժընթացը հայոց ընտանեկան կենցաղում» թեմայով:

1980 թ. Ջ. Խառատյանը աշխատում է սկզբում Հայաստանի ազգագրության պետական թանգարանում՝ որպես գիտական աշխատանքների գծով փոխտնօրեն, ապա հրավիրվում է ՀՀ ԳԱ Հնադիտության և ազգագրության ինստիտուտ՝ որպես կրտսեր գիտաշխատող: Հետագայում նույն ինստիտուտում նա ղրահեցնում է գիտաշխատողի, այնուհետև ավագ գիտաշխատողի պաշտոնները:

Ջ. Խառատյանի գիտական գործունեությունը նվիրված է եղել հայոց էթնամշակութային բազմազան հիմնահարցերի, հատկապես՝ հայ ժողովրդական հավատալիքների, ընտանեկան ու հասարակական ծիսակարգի, Հայաստանի առանձին պատմալեզուային շրջանների (Արցախ, Տավուշ) ուսումնասիրությանը:

Ջ. Խառատյանի նախասիրությունը գիտության մեջ հայոց ավանգուլթային ընտանեկան ծիսակարգն էր, հատկապես ղրահանների շերտերը: «Պաշտամունքային մոտիվները հայոց ընտանեկան ծիսակարգում» աշխատության մեջ, ուր ի մի են բերված ժողովրդական հավատալիքների և ծեսերի վերաբերյալ եղած ու իր հավաքած դաշտային նյութերը, նա ընտանեկան ծիսակարգը ներկայացնում է որպես ինքնաբավ գործող մի համակարգ: Դրա հետ մեկտեղ ազգագրագետը փորձ է անում վերականգնել նաև այդ հավատալիքների ղրագացման փուլերը, փոխակերպման մեխանիզմները, ղրանց կենցաղավարման համահայկական ընդլթը և տեղական առանձնահատկությունները: Քանի որ ընտանեկան ծեսերի մի ղգալի մասը կապված էր տան օջախի հետ, հեղինակը հատուկ ուշադրություն է ղարձրել այդ հարցին և բազմազան ու տարածամանակյա նյութի կառուցվածքային մանրամասն ղիտարկումով ցույց տվել, թե ինչպես է օջախի ղաղափարը ներառնվում ընտանիքի համակարգում, ղառնում ազգային աշխարհընկալման հիմքերից մեկը:

Հարսանիքի, ծնունդ-կնունքի և թաղման սովորույթները կենսընթացի ծիսականրեն ա-

1 Տե՛ս Հայ ազգագրություն և բանահյուսություն, պր. 17, Երևան, 1989, էջ 5—62:

մենահազարավազ հանգուցներն են, ուստի և ընկան է, որ աշխատության մեջ մեծ տեղ է հատկացված դրանց քննությանը: Ուշագրավ է, որ դրբում ընտանեկան ծխակարգը քննվում է հենց վերահյուսվ հաղորդականությունը, այսինքն, սկիզբը պատկերացվում է ոչ թե որպես ծնունդ (ինչը ընդհանուր է առանձին անհատին), այլ՝ հարսանիք (ինչը ընդհանուր է հասարակությանը): Եվ պատահական չէ, որ Զ. Խառատյանի վերջին տարիների գիտական հետաքրքրությունները բնութագրվում էին հենց հարսանիքին: Ընդ որում, դատելով նրա մի շարք հրատարակումներից, հարսանիքը գիտվում է ոչ միայն իբրև ազգագրական իրողություն՝ դրա դասական ընդհանրմամբ, այլ մի երևույթ, որը ներառել է մարդու, հասարակության և տիեզերքի մասին ժողովրդի ամփոփ ընկալումը: Այսպես, հարսանիքի համակարգում բացահայտվում են տիեզերական առաջին զոհի գաղափարը, ճանապարհի և անցման խորհրդանշանները, համայնի ընդհանրական փոխանակման հետքերը: Այսպիսով, Զ. Խառատյանի ուսումնասիրություններում հարսանիքը, միտում էր դառնալ բանալի, որի օգնությամբ հնարավոր կլիներ ոչ միայն բացահայտել ազգային մշակույթի անմեկնելի թվացող կողմերը, այլև նորոգել մեկնարանները, թվում է, վաղուց հայտնի և պարզաբանված իրողությունները: Ցավոք, գիտնականը չհասցրեց ավարտել հարսանիքին նվիրված իր մյուս կարևոր ձեռնարկումը՝ հայոց գիվարանային համակարգի վերականգնումը: Թե ինչպիսին պիտի լիներ այդ համակարգը, կարելի է դատել, օրինակ, նրա «Հայերի ավանդույթային

գիվարանական պատկերացումները» հոդվածից՝

Զ. Խառատյանը թողել է նաև հարուստ գիտահրատարակատեսակական ժառանգություն, Ընդամենը վերջին երեք տարվա ընթացքում հանրապետության զանազան պարբերականներում հրատարակված նրա հոդվածների թիվն անցնում է երեք տասնյակից: Այդ հրատարակումները վերաբերում են ազգային կյանքի այժմեական տարբեր հարցերին՝ Արցախ, փոխատակառություն, Ղարաբաղյան շարժում, տոնածիսական կյանք, ազգային ինքնություն և հոգեբանություն: Տարբեր է և դրանց ժանրային բնույթը. զուտ գիտական վերլուծությունից մինչև բարոյախոսություն և հումոր, Այս բազմազանությունն ունի, սակայն, մի միավորիչ հատկություն. հանգես գալ որպես իրազեկ մասնագետ, ցանկացած երևույթի մեջ քննել նրա այն եզրը, այն երանգը, որը կարող է բացահայտել միայն ազգաբանը: Ազգաբան, որը ոչ միայն ակադեմիական դրույթներ է հիմնավորում, այլ նաև անկեղծորեն բացահայտվում է՝ ներկայացնելով և իր անձնական հայացքը, հուզականությունը, մտավախությունն ու մտատանջությունը:

2 Տե՛ս, օրինակ, Ամուսնական զույգ նշող հայերեն տերմիններն իբրև ընդհանրական փոխանակության արտացոլում (Հայերենագիտական միջազգային երկրորդ գիտաժողովի զեկուցումների գրույթներ, Երևան, 1987),
Обычай иле ктрел и символика пути в армянской свадьбе (Հայ ժողովրդական մշակույթի հետազոտման հարցեր. Երիտասարդ գիտնականների 8-րդ կոնֆերանս, զեկուցումների գրույթներ, Երևան, 1988), Ամուսնական զույգի ուղին հայոց հարսանիքում (ՀՀ ԳԱ Լրարեր հասարակական գիտությունների, 1989, № 11), «Եզն մորթելու» սովորույթը և փեսան հայոց հարսանիքում (նույն տեղում, 1991, № 2), «Берущие» и «дающие» (армянские обозначения брачной пары в фольклорно-этнографическом контексте) (Историко-этнографические исследования по фольклору. Сборник статей памяти С. А. Токарева, М., Наука в печати).

3 Традиционные демонологические представления армян (по материалам семейного быта XIX-начала вв.) (Советская этнография, 1980, № 2); Traditional demological notions of the Armenians (Soviet Antropology and Archelogy. 1981, vol. 20 № 2 (Armonk, NY).

4 Տե՛ս, օրինակ, Ազգային հարցը՝ ազգագրության հայելում (Ավանդարդ, 31. VI. 1989), Մինչև ե՞րբ պիտի անտեսվի մասնագետի կարծիքը (Ավանդարդ, 27. XII. 1989), ներկան անցյալի ուրվականն է (խորհրդային Հայաստան, 21. I. 1990), Мысли по поводу ситуации в Азербайджане и Армении: январь 1990 г. (համահեղինակությամբ) (Литературная Армения, 1990, № 4), Զգուշանալ սեփական պատմությունից (Հայաստանի հանրապետություն, 31. X. 1990), Գիտակցված շարիքը կես շարիք է (նույն տեղում, 17. XI. 1990), Ընդունվելիք տոնացույցի մասին (ազգագրագետի նկատառումներ) (նույն տեղում, 22. XII. 1990), Էթնիկական բուսերանգ (Գոյամարտ, № 8, 1991), Ազգ, մշակույթ, պետություն (մտքեր խորհրդարանին՝ խորհրդածելու) (Հայր, 13. XI. 1991):

Հողվածների այս շարքում առանձնակի տեղ է զբաղում փախստականության հիմնահարցի ֆունկցիոնը: Փաստորեն Ջ. Խառատյանն առաջիններից էր, որ փախստականությունը դիտարկում էր որպես ազգադրական հետադուտության օբյեկտ՝ իր ներէթնիկ և սոցիալական բազմաթիվ առանձնահատկություններով, պահվածքի յուրօրինակ մեխանիզմով, հոգևրանակյան դիմագծով և այլն, ինչի իմացությունը միայն կարող է հնարավորություն ստեղծել նորեկ քնակություն հարմարվելու գործընթացի որոշակի ծրագրերի մշակման և իրագործման համար:

Ինչպես կարելի է դատել մի շարք հողվածներից, ազդի այսօրվա օրհասական վիճակը նրան առաջադրում էր մի կարևորագույն խնդիր, ո՞րն է հայ հանրության լինելության դադարիցը, ի՞նչ մեխանիզմներ էին գործում, Գրոնք դարեր շարունակ ապահովում էին ազգի ֆիզիկական և, որ կարևոր է, բարոյահոգեբանական հարատևությունը, և ինչպե՞ս կարելի է վերագործարկել ավանդական այդ մեխանիզմները (օրինակ, արտաքին գործոններին ոչ թե միադժոխս, այլ ճկունորեն հակադրվելու կարողություն, ավանդության կեցվածքի՝ այդ թվում և տոնական կյանքի վերագտնում և նորովի օգտագործում):

Ջ. Խառատյանի բազմաբնույթ հողվածները մոլորած էին կատարելու և մի այլ, ոչ պակաս

կարևոր դեր. գրանցում նա տաճնապում էր, որ այդ գիտակ միշտությունն ու վերաբերմունքը կարող է առիշտ խելել ժողովրդական միտքն ու սգինը⁷, ուստի սիրձում էր սիսա-րինել այդ ամիշտությունը ազգային-մշակութային Երևույթների մասնագիտական դիտարկումով ու մատուցմամբ: Նույն նպատակն էր հետապնդում նաև իր հիմնադրած Ազգապատմա հնուստաշարը, որ նա վարում էր մեծ ոգևորությամբ ու հավատով:

Նրևանի պետական համալսարանում դասավանդելիս նա հաճախ էր շեշտում, որ վերջին տարիներին մեղանում ազգադրությունը դառնում է հասարակության կյանքին անմիջապես արձագանքող գիտություն, և ազգագրագետի վրա ընկնում է մի նոր պատասխանատվություն՝ պահպանել ազգային և համամարդկային արժեքներն այն պահին, երբ ամեն ինչ սկսում է Գիտական և հասարակական իր գործունեությամբ Ջ. Խառատյանը այդ պատասխանատվությունը խորապես գիտակցող գիտնականի և հայ մարդու մարմնավորում էր:

- 1. Հ. ԱՐԲԱՆՍՅԱՆ
- 2. Տ. ՄԱՐԿՈՒՅԱՆ
- 3. Լ. ՊԵՏՐՈՍՅԱՆ

Պատմական գիտությունների թեկնածուներ

Ջուլիեն վաճառի Խառատյանը «Լրաբեր հասարակական գիտությունների» ամսագրի ոչ միայն ազգայնավոր ու ճանաչված ճեղհակն էր, այլև երա ջերմ և ազնավասիւր բարեկամը: Հիւրավի, ամսագրի խմբագրության աշխատակիցները կրկնակի վիշտ են ապրում՝ ակաճավոր գիտնականի, բաղաճաճու և անմոռաց ընկերոջ վաղաճամ կորստյան համար:

⁵ Տե՛ս, օրինակ, Հայացք փախստականության պրոբլեմին (Խորհրդային Հայաստան, 19. IX. 1989, 2. Առաքելյանի հեղինակցությամբ), Առանց սխալվելու իրավունքի (փախստականությունը՝ ազգագրագետի հայացքով) (Խորհրդային Հայաստան, 14. X. 1989), Հնարավոր է պահպանել փախստականների համայնքները (Հայաստանի Հանրապետություն, 6. XI. 1991), Բռնագաղթվածները (Հայրենիքի ձայն, 13. II. 1990):

⁶ Տե՛ս, օրինակ, «Փյունիկ» թե՛ս՝ «Սիգիֆի

աշխատանք» (Ավանդարդ, 28. II. 1990), Մա՛ս թե՛ս՝ Եղեզն (Հայք, 22. V. 1991), Ոչ միայն հացիվ (Հայաստանի Հանրապետություն, 24. I. 1992):

⁷ Ժառանգություն և ժառանգորդ (ազգագրագետի խոհեր) (Մշակույթ, 1990, № 1, էջ 54):